

( 22 )

TRIANDRIA MONOGYNIA.

VALERIANA.

*Linn. G. Pl. 22. Juss. 195. Gærtn. t. 86.*

*Fedia. Gærtn. t. 86.*

*Calyx* obsoletus. *Corolla* monopetala, supera, basi hinc gibba. *Fructus* coronatus.

TABULA 29.

VALERIANA ANGUSTIFOLIA.

VALERIANA floribus monandris caudatis, foliis lineari-lanceolatis obtusiusculis integerrimis.

*V. angustifolia. Willden. Sp. Pl. v. 1. 175. Mill. Dict. n. 4. Allion. Ped. v. 1. 1.*

*V. rubra β. Linn. Sp. Pl. 44.*

*V. monandra. Villars. Dauph. v. 2. 280.*

*V. rubra angustifolia. Bauh. Pin. 165. Tourn. Inst. 131.*

In montibus elatioribus circa Athenas. 2.

*Radix* lignosa, ramosa. *Caules* erecti, pedales, brachiato-ramosi, foliosi, teretes, glaberrimi uti tota planta. *Folia* opposita, brevius petiolata, patentia, lineari-lanceolata, quandoque linearia et angustissima, obtusiuscula, integerrima, undique laevia, venosa, venis rectis, parallelis. *Petioli* carinati, alati, basi dilatati atque connati. *Stipulae* nullae. *Cymae* terminales, trichotomae, multiflorae. *Bractee* subulatae. *Flores* erecti, fastigiati, rosei. *Calyx* nullus. *Corolla* gracilis; limbo quinquefido, inaequali, ringente; calcaribus subulato, postico. *Stamen* unicum, exsertum, longitudine limbi. *Anthera* albida. *Germen* ellipticum, apice marginatum. *Stylus* filiformis, longitudine staminis. *Stigma* simplex. *Semen* ovatum, nudum, laeve, pappo involuto, radiato, coronatum.

Foliis angustioribus, minusque acuminatis, a *V. rubra* vulgari differt, et distincta species mihi videtur.

a. Flos integer.

A. Idem duplò auctus.

TABULA 30.

VALERIANA CALCITRAPA.

VALERIANA floribus monandris subcalcaratis, foliis omnibus pinnatifidis sessilibus.

*V. calcitrapa. Linn. Sp. Pl. 44. Desfont. Atlant. v. 1. 28.*